

Headline	Affin sumbang zakat RM4.5 juta bina pusat Islam pelajar		
MediaTitle	Utusan Malaysia		
Date	11 Apr 2014	Color	Full Color
Section	Dlm Negeri	Circulation	173,387
Page No	8	Readership	699,000
Language	Malay	ArticleSize	291 cm <sup>2</sup>
Journalist	N/A	AdValue	RM 5,751
Frequency	Daily	PR Value	RM 17,254



# Affin sumbang zakat RM4.5 juta bina pusat Islam pelajar

KUALA LUMPUR 10 April - Affin Bank Bhd. (Affin Bank) dan Affin Islamic Bank Bhd. (Affin Islamic) telah menyumbang sebanyak RM4.5 juta daripada dana-dana zakatnya kepada Universiti Teknologi MARA (UiTM) bagi membina pusat Islam pelajar.

Pengarah Urusan dan Ketua Pegawai Eksekutif Affin Bank, Datuk Zulkiflee Abbas Abdul Hamid berkata, sumbangan zakat tersebut adalah merupakan salah satu cara pihaknya untuk membantu para pelajar untuk mendapat pendidikan yang lebih baik selain menyokong pembangunan kampus.

"Sumbangan itu akan membantu universiti untuk mempunyai sebuah pusat Islam khusus untuk pelajar bagi menjalankan aktiviti kerohanian yang turut memberi faedah kepada mereka dan juga kepada masyarakat umum," kata beliau dalam kenyataan hari ini.

Pemberian zakat itu telah diserahkan Zulkiflee Abbas kepada Naib Canselor UiTM, Tan Sri Prof. IR. Dr. Sahol Hamid Abu Bakar sempena Majlis Malam Simfoni Kasih di Dewan Agung Tuanku Canselor (DATC), UiTM, Shah Alam.

Pada majlis sama, Affin Islamic turut menyerahkan sumbangan zakat tambahan sebanyak RM150,000 kepada Tabung Zakat UiTM bagi membantu para pelajar

yang memerlukan. Pusat Islam pelajar tersebut akan dinamakan Kompleks At-Tijarah Affin-UiTM dan terletak di pintu masuk universiti itu di kampus Puncak Alam, Shah Alam, Selangor.

Keluasan binaan kompleks itu adalah kira-kira 2,655.44 kaki persegi dan dibahagikan kepada empat komponen utama.

Empat komponen utama tersebut adalah pusat kebajikan sosial rukhsah, pusat makanan dan minuman, pusat dakwah dan pusat kesihatan.

"Kemudahan dengan empat komponen ini direka bentuk bagi membantu para pelajar untuk menjadi umat Islam yang lebih baik.

"Pusat Islam tersebut akan dibuka kepada para pelajar UiTM dan orang ramai sebagai pusat komersial dan juga sebagai pusat kerohanian," tambah kenyataan tersebut.

Pusat tersebut akan dilengkapi dengan 36 unit ruang yang diperuntukkan untuk penginapan pelajar, surau, medan selera, restoran, bank dan kedai-kedai komersial.

Kedai-kedai komersial akan disewakan kepada pihak-pihak yang berminat dan hasil daripada sewaan itu akan disalurkan terus kepada Dana Wakaf UiTM yang akan diagihkan kepada para pelajar yang memerlukan.



SAHOL Hamid Abu Bakar (kiri) menerima replika cek sumbangan zakat bernilai RM4.5 juta daripada Zulkiflee Abbas Abdul Hamid sambil disaksikan Menteri Pendidikan II, Datuk Seri Idris Jusoh di Kuala Lumpur, semalam.